

KOMMISJONSVEDTAK

2009/EØS/69/12

av 18. april 2006

om endring av vedtak 2003/467/EF med omsyn til fråsegna om at visse regionar i Italia er offisielt frie for bovin tuberkulose og enzootisk bovin leukose, og at Slovakia er offisielt fri for enzootisk bovin leukose(*)*[meldt under nummeret K(2006) 1551]*

(2006/290/EF)

KOMMISJONEN FOR DEI EUROPEISKE FELLESSKAPA
HAR —

med tilvising til traktaten om skipinga av Det europeiske fellesskapet,

med tilvising til rådsdirektiv 64/432/EØF av 26. juni 1964 om dyrehelseproblemer ved handel med storfe og svin innenfor Fellesskapet⁽¹⁾, særleg vedlegg A avsnitt I nr. 4 og vedlegg D avsnitt I del E, og

ut frå desse synsmåtane:

- (1) I direktiv 64/432/EØF er det fastsett at medlemsstatar eller delar eller regionar i desse kan verte godkjende som offisielt frie for tuberkulose, brucellose og enzootisk bovin leukose hjå storfebuskarar, på det vilkåret at visse krav i direktivet er stetta.
- (2) Listene over regionar i medlemsstatar som er godkjende som frie for bovin tuberkulose, bovin brucellose og enzootisk bovin leukose, er fastsette i kommisjonsvedtak 2003/467/EF av 23. juni 2003 om fastsetjing av status for storfebuskarar i visse medlemsstatar eller regionar i medlemsstatar som offisielt frie for tuberkulose, brucellose og enzootisk bovin leukose⁽²⁾.
- 3) Italia har lagt fram for Kommisjonen dokumentasjon som syner at alle krava i direktiv 64/432/EØF er stetta med omsyn til regionen Friuli-Venezia Giulia med sikte på at denne regionen kan verte godkjend som offisielt fri for tuberkulose hjå storfebuskarar.
- 4) Italia har òg lagt fram for Kommisjonen dokumentasjon som syner at alle krava i direktiv 64/432/EØF er stetta med omsyn til regionen Molise med sikte på at denne regionen kan verte godkjend som offisielt fri for enzootisk bovin leukose hjå storfebuskarar.

- 5) Slovakia har lagt fram for Kommisjonen dokumentasjon som syner at heile territoriet til staten stettar dei krava som er fastsette i direktiv 64/432/EØF, slik at Slovakia kan godkjennast som offisielt fri for enzootisk bovin leukose hjå storfebuskarar.
- 6) Som følgje av vurderinga av den dokumentasjonen som Italia har lagt fram, bør regionane Friuli-Venezia Giulia og Molise godkjennast som offisielt frie for høvesvis bovin tuberkulose og enzootisk bovin leukose.
- 7) Som følgje av vurderinga av den dokumentasjonen som Slovakia har lagt fram, bør heile denne medlemsstaten godkjennast som offisielt fri for enzootisk bovin leukose.
- 8) Vedtak 2003/467/EF bør difor endrast.
- 9) Dei tiltaka som er fastsette i dette vedtaket, er i samsvar med fråsegna frå Det faste utvalet for næringsmiddelkjeda og dyrehelsa —

GJORT DETTE VEDTAKET:

Artikkel 1

Vedlegg I og III til vedtak 2003/467/EF vert endra i samsvar med vedlegget til dette vedtaket.

Artikkel 2

Dette vedtaket er retta til medlemsstatane.

Utfërda i Brussel, 18. april 2006.

For Kommisjonen

Markos KYPRIANOU

Medlem av Kommisjonen

(*) Denne fellesskapsrettsakten, kunngjort i EUT L 106 av 19.4.2006, s. 21, er omhandlet i EØS-komiteens beslutning nr. 140/2006 av 8. desember 2006 om endring av EØS-avtalens vedlegg I (Veterinære og plantesanitære forhold), se EØS-tillegget til Den europeiske unions tidende nr. 15 av 29.3.2007, s. 1.

⁽¹⁾ TEF 121 av 29.7.1964, s. 1977/64. Direktivet sist endra ved forordning (EF) nr. 1/2005 (TEU L 3 av 5.1.2005, s. 1).

⁽²⁾ TEU L 156 av 25.6.2003, s. 74. Vedtaket sist endra ved vedtak 2006/169/EF (TEU L 57 av 28.2.2006, s. 35).

VEDELEGG

I vedlegg I og III til vedtak 2003/467/EF vert det gjort følgjande endringar:

1. I vedlegg I skal kapittel 2 lyde:

«KAPITTEL 2

Regionar i medlemsstatane som er offisielt frie for tuberkulose

I Italia:

- Regionen Abruzzo: provinsen Pescara.
- Regionen Friuli-Venezia Giulia.
- Regionen Lombardia: provinsane Bergamo, Como, Lecco og Sondrio.
- Regionen Marche: provinsen Ascoli Piceno.
- Regionen Toscana: provinsane Grosseto og Prato.
- Regionen Trentino-Alto Adige: provinsane Bolzano og Trento.»

2. I vedlegg III skal kapittel 1 lyde:

«KAPITTEL 1

Medlemsstatar som er offisielt frie for enzootisk bovin leukose

ISO-kode	Medlemsstat
BE	Belgia
CZ	Tsjekkia
DK	Danmark
DE	Tyskland
ES	Spania
FR	Frankrike
IE	Irland
CY	Kypros
LU	Luxembourg
NL	Nederland
AT	Austerrike
SI	Slovenia
SK	Slovakia
FI	Finland
SE	Sverige
UK	Det sameinte kongeriket»

3. I vedlegg III skal kapittel 2 lyde:

«KAPITTEL 2

Regionar i medlemsstatane som er offisielt frie for enzootisk bovin leukose

I Italia:

- Regionen Abruzzo: provinsen Pescara.
 - Regionen Emilia-Romagna: provinsane Bologna, Ferrara, Forli-Cesena, Modena, Parma, Piacenza, Ravenna, Reggio Emilia og Rimini.
 - Regionen Friuli-Venezia Giulia.
 - Regionen Lazio: provinsane Frosinone og Rieti.
 - Regionen Liguria: provinsen Imperia.
 - Regionen Lombardia: provinsane Bergamo, Brescia, Como, Cremona, Lecco, Lodi, Mantova, Milano, Pavia, Sondrio og Varese.
 - Regionen Marche: provinsane Ancona, Ascoli Piceno, Macerata og Pesaro.
 - Regionen Molise.
 - Regionen Piemonte: provinsane Alessandria, Asti, Biella, Cuneo, Novara, Torino, Verbania og Vercelli.
 - Regionen Toscana: provinsane Arezzo, Firenze, Grosseto, Livorno, Lucca, Massa-Carrara, Pisa, Pistoia, Prato og Siena.
 - Regionen Trentino-Alto Adige: provinsane Bolzano og Trento.
 - Regionen Umbria: provinsane Perugia og Terni.
 - Regionen Val d'Aosta: provinsen Aosta.»
-